



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Druzbicki, Kaspar

Ingolstadii, 1732

VD18 90066405

89. Considerando, quomodo in Christi Passione eluxerint Virtutes,
Exemplares, Politicæ, Purgatoriæ, Purgati Animi.

urn:nbn:de:hbz:466:1-45427

animos robustissimos, ipsiusmet Christi JESU, tum exemplis usque adeo heroicis, tum meritis supra modum copiosis & efficacibus.

MODUS LXXXIX.

Octogésimus nonus meditando Passionem Domini nostri Modus esse potest: scrutando exemplares, Politicas, Purgatorias, Purgati animi Christi Domini in Passione sua virtutes.

Pro Fundamento ponenda est doctrina de virtutum varietate, neque melius potest hæc enarrari, quam est à Divo Thoma explicata.

Affirmans ergo & probans Divus Thomas, convenienter Cardinales dividi in Politicas, Purgatorias, Purgati Animi, & exemplares: ita discurret de singulis.

[„ Oporteret quòd anima aliquid sequatur,, ad hoc, ut ei possit virtus innasci, & hoc Deus,, est, quem si sequimur, bene vivimus. Patet,, igitur quòd exemplar humanæ virtutis in Deo,, præexistat: sicut etiam in eo præexistunt omnium rerum rationes. Sic igitur virtus potest considerari, vel prout est exemplariter in Deo, & sic dicuntur virtutes exemplares, ita scilicet quòd ipsa Divina mens in Deo, dicatur prudentia. Temperantia verò, conversio Divinæ intentionis ad se ipsum; sicut in nobis temperantia dicitur per hoc, quòd concupiscentia conformatur rationi. Fortitudo autem Dei, est ejus immutabilitas. Justitia verò Dei, est observatio legis æternæ in suis operibus. Et quia homo secundum suam naturam est animal Politicum, vir-

2.2. Qu. 61. art. 5.

V. P. Druzb. Op. VIII.

Qq

tutes

Drub.
xi
ascen
lis III
V
8

tutes hujusmodi prout in homine existunt secundum conditionem suæ naturæ, politica vocantur; prout scilicet homo secundum has virtutes recte se habet in rebus humanis gerendis. Sed quia ad hominem pertinet, ut etiam ad divina se trahat quantum potest, (ut etiam Philosophus dicit in 10. Ethicorum Cap. 7.) & hoc nobis in Sacra Scriptura commendatur multipliciter, secundum illud, Matth. 5. *Estote perfecti, sicut & Pater vester celestis perfectus est;* necesse est ponere quasdam virtutes medias inter politicas, quæ sunt virtutes humanæ, & inter exemplares, quæ sunt virtutes Divinæ. Quæ quidem virtutes distinguuntur secundum diversitatem motûs & termini. Ita scilicet, quod quædam virtutes sunt transeuntium, & in divinam similitudinem tendentium, & hæc vocantur virtutes Purgatoriæ: ita scilicet quod Prudentia, omnia mundana, divinorum contemplatione despiciat, omnemque Animæ cogitationem in Divina sola dirigat: Temperantia verò relinquat in quantum natura patitur, quæ corporis usus requirit.

„Fortitudinis autem est, ut anima non terreatur propter excessum à corpore, & accessum ad superna. Justitiæ verò est, ut tota Anima consentiat ad hujusmodi propoliam viam.

„Quædam verò sunt virtutes jam assequentium Divinam similitudinem, quæ vocantur virtutes jam Purgati Animi: ita scilicet: quod Prudentia sola divina intueatur. Temperantia terrenas cupiditates nesciat. Fortitudo passione ignoret. Justitia cum Divina mente perpetua

G: —
 Bi
 oper =
 JOM
 N
 5

frædere societur, eam scilicet imitando: quas quidem virtutes esse dicimus Beatorum, vel, aliquorum in hac vita perfectissimorum.,] Hæc Divus Thomas.

Quibus ita explicatis considerari jam potest, quomodo in Christi Domini Passione, atque etiam vita ejus universa eluxerunt istæ virtutes?

Et Exemplares quidem non est dubium in Christo Domino extitisse, non solum in quantum Deus verus fuit, verum etiam in quantum Deus-Homo extitit. Etenim ipsa mens Christi, fuit in eo Prudentia, quâ voluntatem Dei, & salutem nostram operatus est, secundum omnes rationes æternas atque Divinas, quas in Deo præexistentes clarè intuebatur, ab instanti suæ Incarnationis, & totâ vitâ, iisdem regulatus, easdem exsequebatur, usque ad instans mortis, propter quod dicebat: *Sicut mandatum dedit mihi Pater, sic facio.* Porrò Temperantia exemplaris fuit in Christo, quatenus ejus Theandrica Mens, & omnis intentio conversa fuit semper ad se ipsam, eamque in omnibus intuebatur, omnemque actionem suam suis mensuris admetiebatur. Fortitudo Christi in eo eluxit exemplaris, quòd immutabiliter se in omnibus habuerit, nequam consilium propositumve Animi ejus ulla creatura immutare potuerit. Sic etsi hostes ejus sapius ejus mortem attentaverint: nunquam tamen facere quidquam potuerunt. *Quia necdum Joan. 7. 30. venerat hora ejus.* Sic etiam descensum de Cruce frustra suadebant, pollicentes fidem in eum, quia non in descendentem de cruce, sed in Resurgentem è sepulchro, redivivumque à morte.

Qq 2

cre-

DIX

KI

ascet

e LIS III

V

8

credendum esse, salvandis à se, statuerat. Iustitia Christi in hoc eluxit, quia legem suam æternam, tum per vitæ totius in terris eursum; tum in Passione sua potissimum rigorosissime in se metipso adimplevit, aded ut de illo dictum sit,

1. Cor. 1. 30. quòd factus sit nobis Iustitia à Deo.

De Politicis virtutibus, quòd in Christo, & quidem perfectissime extiterint, manifestum est, vitam ejus Passionemque omnem intuenti. Perfectissime enim se habuit semper in rebus humanis agendis, ita ut dicere potuerit hostibus

Joan. 8. 46. suis in faciem. Quis ex vobis arguet me de peccato? Vixit fere perpetuò inter observatores æ-

ctionum suarum, inter captatores sermonum suorum, inter scandalum patientes malitiosè ex operibus suis: neque tamen quidquam unquam deprehenderunt, quod justè accusarent. Imò aut fateri coacti sunt, *Bene omnia fecit*; aut confusi & responso destituti abire. Et in Passione tempore, Pilatus, alioqui judex iniquitatis, tamen repetitò testimonium ejus innocentie dedit, atque latronum crucifixorum ipsi unus

Luc. 23. 41. vit pronuntiare de eo. Nos quidem justè (patimur) nam digna factis recipimus. Hic autem nihil mali gessit. Denique quod semel Dominus in

Joan. 18. 23. alapa illa indignissime sibi inflicta respondit. Si male locutus sum, testimonium perhibe de malo: si autem bene, quid me cædis. Hoc ipsum ad singulas pœnas suas, per omnia momenta Passione repetere potuit. Atque ut particulariùs aliquòd attingamus de hisce virtutibus.

Politica virtus fuit in Christo. Adire ad Joannem Baptismi gratiâ. Nuptias suâ præsentibus

G: —
Bi
oper:
JOM
NE
SE

cohonestare, & vinum in eas largiri. Solvere didrachma, ne scandalifarentur ejus exactores: discernere, ut redderentur quæ sunt Cæsaris Cæsari, & quæ sunt Dei, Deo. Misereri super turbam, & eam pascere in deserto. Usam naviculæ Simonis, ad docendas turbas ex ea, persolvere capturâ piscium copiosâ.

Politica virtus fuit, triumphaliter, simulque humiliter ingredi Regiam Civitatem: defendere Magdalenam à reprehendentibus ob effusum super caput ejus unguentum; Mortem amici Lazari deslere; Lavare pedes discipulorum; Obviam procedere inimicis; Proditorem amicè compellare; Osculo dignari; Invasorem suum à vulnere sanare; Inter contumelias, probra, injurias, calumnias, vulnera, fortiter, patienter, mansuerè durare; pro inimicis orare, in parentem pietatem exercere; Spiritum Deo commendare ac tradere. Pro justitia & charitate mori, pro salute & incolumitate publica omnium, omni discrimini, jacturæ, periculo, & morte sese offerre, & impendere.

Virtutes Purgatorias, quatenus iis tenditur & transitur in Divinam similitudinem, & aliquid adhuc involunt imperfectum: in Christo non fuisse dubium non est. Siquidem ab instanti conceptionis habitavit in eo, tam Divinitatis, quàm omnium virtutum perfectionumque plenitudo. Nisi fortè cui placeat dicere, ita in Christo fuisse profectum virtutum, sicut in Evangelio dicitur, *JESUS profecisse, Sapientiâ, & atate, & gratiâ, apud Deum, & apud homines.* Non quòd Dominus JESUS non fuerit semper ab ipso ortu suo plenus sapientiâ & gratiâ, & perinde

Qq 3

omni

omni virtute, & veritate, & perfectione, sed quia (ut ait Bernardus) aliquid in eo novum accidere videbatur, quando volebat ipse ut videretur: interim autem semper erat sapiens & sapientissimus, & sapientia ipsa: perfectus quoque, & perfectissimus, & perfectio ipsa.

At verò virtutes Purgati Animi, quatenus ex non supponunt ullam, quæ debuisset purgari, impuritatem. (quod præmittit ne quis ludat ludaturve in verbo) fuerunt per omnia consummatæ in Domino Jesu. Sine dubio enim ille nihil penitus nisi sola Divina intuebatur, quod fuit Prudentiæ, terrenas etiam cupiditates prorsus nesciebat, quod fuit Temperantiæ. Passiones etiam ignorabat, imò nec habebat (sed solum ut loquitur Hieronymus pro passionibus) quod erat Fortitudinis, denique cum Divina lumine, perpetuo foedere sociabatur, eamque perfectissimo, ac planè Theandrico modo imitabatur, quod erat Justitiæ. Atque hæc, etsi in tota vita Domini, ad speciatim quâdam ratione, inter Passionis ardua, & acerba, & indigna, & funesta collucebant. ubi enim Christus magis sola intuebatur Divina? ubi passionum nescius magis? ubi terrenorum studiorum oblitus & negligens amplius? ubi arctiori foedere Dei voluntati atque menti adstrictus? quàm in Passione, & Morte, in qua ne perderet obedientiam perdidit vitam.

Ergo Christus Dominus & Rex virtutum: ergo plenus gratiâ & veritate, ergo Sanctus Sanctorum, ergo Justus & Justitia, perfectus Perfectioque ipsa fuit. Nobis in omnibus relinquens exemplum, ut sequamur vestigia virtutum

S:
 Gi
 opere
 Tom
 Ne
 ste

tum ejus. Et quidem non exemplarium: quia hæ creaturæ cuius impossibiles sunt, sed in Politicis, in Purgatoriis, potissimum autem in iis quæ Purgati Animi & exemplaribus vicinæ præ omnibus aliis sunt. Ut impleatur per Gratiam Dei à nobis in nobis, illud Domini nostri dictum. *Et vos ergo estote perfecti, sicut & Pater vester cælestis perfectus est.* Quod utique fiet, si sola quæ Dei sunt intuebimur, si terrenas cupiditates ne quidem sciverimus, si Passiones ignoraverimus, si cum Divina mente perenni fœdere consotiamur eamque imitabimur.

MODUS XC.

Nonagesimus Modus meditandi Passionem Domini esse potest. Comparando Creationem mundi cum Incarnatione atque Passione, tum etiam Resurrectione Christi Domini. Paucis carpam hanc comparationem, fusiùs tractatam ab aliis scriptoribus.

Primò igitur Moyses describit Mundi Creationem his verbis. *In principio creavit Deus cælum & terram.* Et potest quidem vox *In Principio*, ita intelligi: primò omnium, & ante omnia: potest nihilominus etiam intelligi, prout passim intelligitur, id est, in Filio, seu in VERBO, dicente alibi scripturâ. *Verbo Domini cæli firmati sunt.* ut respondeat initium veteris legis seu Testamenti, initio legis novæ & librorum ejus. *In Principio erat verbum. & mox. Omnia per ipsum facta sunt, & sine ipso factum est nihil, quod factum est. in ipso vita erat.* Quæ Evangelii verba videntur veluti esse explicatio, in quonam Prin-